

Bacchanal cu programa di carnaval mey mey den e revista y ademas cu programa cu ruta combina como folder



ORANJESTAD: Durante un conferencia di prensa diamars mainta na Peanuts, Gibby v/d Hans cu ta e persona encarga pa e revista oficial di Carnaval, a anuncia na prensa presente algun desaroyo y cambionan cu e revista ta bay conoce. Sr. V/D Hans a anuncia cu el a tuma e decision pa ta mas determina ainda pa keda para riba Bacchanal su principianan. Un di e puntonan di salida ta pa duna reconocimiento y

balor na esnan cu ta hinca placa, tempo y esfuerzo na crea cosnan bunita pa Carnaval tanto musicalmente como visualmente. Esaki ta trata na prome lugar di e gruponan di Carnaval cu tur nan participantenan y di e bandanan cu tur nan participantenan.

Tambe ta duna atencion e trabao tremendo di e otro gruponan den preparacion pa y durante, organisacion KPA, otro instancianan, Rode Kruis, Quota Club,



Women's Club, Brandweer, Ambulance, Gobierno, Negoshinan, Hotelnan etc.

Cu un focus riba locual semper tabata di salida di Bacchanal mi ta bin cu cierto cambionan cu sigur ta bay refleha mas dinamismo. N di e ehemplonan ta cu Bacchanal ta bay tin dos schedule. E prome ta esun mey mey den e revista mes. E schedule aki ta mey mey den e revista dunando hende un chens pa ranca y keda cu ne mas facil pa hiba

rond. Sinembargo experiencia a mustra cu mayoria hende kier tene nan Bacchanal henter y ta habri e revista ora cu nan kier wak schedule. Mas ainda pasobra Bacchanal a bira un Collector's item y hopi ta tene nan revista netjes pa warda pa por wak den dje bek atrobe despues.

Toch Bacchanal kier ofrece e publico e schedule di un manera mas facil den forma di un folder mas facil pa hiba. Pesey a inclui e schedule bek na locual tabata e route den Bacchanal. E route map ta bira un sched-

ule & Route map awor.

Sr. Gibi a vocifera cu Carnaval 60 ta bay tin mester di mas propaganda, y den Sr. Gibi su opinion mas propaganda nos haci pa Carnaval, mihor ta pa Carnaval. Mas hende sa kico ta ariba e schedule, mihor pa Carnaval di Aruba. Sr. Gibi a sigui bisa, si e tabata keda na su persona, aworaki lo tin miyones pa descubri nan full rond di mundo. E revista ta hopi mas cu solamente un schedule. E ta un collector's item, documentando e celebracion cultural mas grandi di Aruba cu ta wordo celebra anualmente. Asina Bacchanal a proba di ta un medium hopi fuerte pa distribui locual ta e schedule di Carnaval. Carnaval su balor cultural a crece, asina tambe su balor turistico y economico. Pa no menciona e balor educativo como tema di spreekbuertnan y scriptienan. Material pa hopi onderzoek na Aruba.